

Manmin nga mga Balita

NO. 92 AGOSTO 5, 2018

Ang “Manmin Festival” gi Presentar sa Pagpangalagad sa Manmin Puno sa Gugma og Gahom sa Dios!



Sugod 2-4pm niadtong Hunyo 16, 2018, ang ‘Manmin Festival’ gihimo didto sa Yeouido Park Intersection atbang sa National Assembly building. Ang mga tema sa maong kalihokan kay: “*Manmin Proclaims the Living God! Manmin Practices the Lord’s Love in Deeds and Truth! Manmin Spreads the Holiness Gospel! og Manmin Manifests the Power of God!*”

Bisan sa wala pa magsugod ang kalihokan ang dako og nindot nga naglingin nga bangaw nipakita sa panganod tungod sa Yeouido Park isip ebedensya sa presensya sa Dios. Dugang pa, wala gyoy abog, ang panahon nindot kaayo, og naay panahon nga mohapak ang preskong hangin.

Si Praise Leader Rose Han, Vice Chairperson sa Performing Arts Committee, maoy ni-emcee. Nagsugod kini sa video presentation nga nagpakita sa daghang kaso sa kaayohan nga nagpakita sa gahom

sa Dios pinaagi ni Dr. Jaerock Lee, Senyor Pastor sa Manmin Central Church. Unya, ang Performing Arts Committee Miracle Team sa simbahan, solowista Deconesa Sungkyul Ju, og Power Worship Dance Team nihatag og presentasyon sa string quartet, special songs, og sa maanindot nga fan dance.

Rev. Dr. Soojin Lee, Presidente sa Pastor’s Association niingon, “Kasagaran sa mga miyembro sa Manmin nakatagbo og naka eksperyensya sa Dios, og daghang tawo sa tibuok kalibotan ang naayo sa ilang mga sakit pinaagi sa pag ampo ni Dr. Jaerock Lee og dili maihap ang nidawat sa Ginoo. Kini nagsilbing oportunidad aron ang atong nasod mailhan sa katawhan sa tibuok kalibotan.”

Nipadayon siya sa pag ingon nga ang mga miyembro sa simbahan magtigom matag gabii sa Daniel Prayer Meeting og mag ampo alang sa kalamboan sa nasod, sa politika og sa kalig-on sa ekonomiya. Nitumbok siya sa

international ministry sa simbahan nga nipataas og nakapailado sa nasod gani tungod ini ang mga tigpasundayag sa simbahan giimbatar sa Israel’s 70th anniversary event isip VIPs og daghang mga bisita gikan sa laing nasod nibisita sa Korea og niapil sa mga kalihokan sa Manmin.

Ang iyang mensahe gisundan sa ika-2 presentasyon sa video mahitungod sa church’s charitable works nga gibuhad pinasubay sa giingon sa Bibliya, “Higugmaa ang imong silingan isip imong kaugalingon.” Permanente na natong gibansay ang gugma sa Ginoo, naningkamot nga mahimong asin og kahayag sa kalibotan, og nitabang aron ang uban makabaton og paglaom og kalipay sa kinabuhi. Ang ilang mga panghimatuud gipakita sa video, og labi na gyod sa balita nga naghatod sa suporta sa simbahan sa dental implant treatment ngadto sa duolan sa 220 ka mga tigulang nga nagkinahanglan.

Sa makausa pa, ang Power Worship

Dance Team sa ilang eleganteng worship dance og sa gamhanang sayaw sa kanta nga “JESUS” gipakita. Tunga sa ilang mga pasundayag ang Brass Ensemble’s splendid nga pasundayag gihimo usab. Sa kataposan, si Praise Leader Rose Han migiya sa tibuok panagdayeg uban sa Heavenly Voice Chorus. Ang mga nanambong nahiusang nanagdayeg og naghinaminam sa probidensya sa Dios alang ining naghinapos nga panahon sa paggiya sa katawhan sa tibuok nasod para sa kaluwasan pinaagi sa balaang ebanghelyo og sa gamhanang mga lihoc.

Ang policeman gikan sa Yeongdeungpo Police Station niingon, “Daghan nako og mga pundok og mga rali nga nasaksihan, apan kini unang higayon nga akong nakita unsa ka han-ay, mapanig’ingnon nga miting. Salamat sa pagpahimutang, sa kalinaw, og sa maayong pag plano lakip sa mga sakyanan og siguridad.”



Senyor Pastor Dr. Jaerock Lee

“Dili ang tanang magtawag kanakog ‘Ginoo, Ginoo’ makasulod sa gingharian sa langit...”
(Mateo 7:21).

“...Apan adunay sala nga mosangpot gayod sa kamatayon; og dili na kinahanglan nga mag ampo pa kamo alang niini”
(1 Juan 5:16).

Tawong walay Kaluwasan bisan sa Ilang Pag-asoy sa Pagtoo (2)

sa Dios? Pinaagi sa pagsaksi sa lihok sa Dios nga dili mahimo sa abilidad sa tawo, ang magtotoo sa Dios nga maayo og dughan walay laing mabuhat apan ang pagpasalamat og paghimaya sa Dios.

Apan, ang mga daotan dali kaayong mangulipas sa lihok sa Espiritu Santo og mobatok sa Dios. Ang daotang espiritu dili makabaton sa pag ayo sa tawo sa ilang mga sakit og balatian. Dili gyod sila motugot nga ang tawo maghimaya sa Dios pinaagi sa pagpalayas sa daotang espiritu og sa kaayohan sa sakit! Ang giyang gihatag mahitugod sa pagpanampas mao ra usab sa pagsamok sa pagpangalagad sa usa katawo ngadto sa Dios nga nipakita sa Iyang gahom. Ang maong pagbalda sama ra nga ang Dios maoy gi direkta og supak tungod kay ila mang gi pangulipas ang tawo sa Dios ingon man ang lihok sa Espiritu Santo nga gipakita diha kanila.

Panahon sa Exodo sa dihang ang mga Israelita wala nay pagkaon, ilang gibasol si Moises og Aaron og nagbagulbol batok nila. Si Moises niingon nila “Kay nabati sa Ginoo nga kamo nagbagulbol pag-ayo batok Kaniya. Kay kinsa man kaming inyong bagulbolan? Ang inyong gibagulbolan dili kami kon dili ang Ginoo” (Exodo 16:8). Sa unang lima ka bersikulo sa Mga Buhat 5 mao ang estorya ni Ananias og sa iyang asawa nga si Sapphira. Nanaad sila nga mobaligya sa ilang kabtangan og ang ginansya ihatag ngadto sa Dios. Sa ilang kahangol, ilang gitipigan ang uban sa ilang kita og wala gihatag ngadto kang Pedro ang tanan. Nagpakaaron ingnon sila nga nihatang sa tanan. Kay nanikas man sila dili ni Pedro apan ngadto sa Espiritu Santo og nanghambog ngadto sa Dios mismo, namatay sila nga wala na gani higayon pa sa paghinulsol (Buhat 5:1-11).

Ika-2 kaso: Pagpakaulaw sa Anak sa Dios pinaagi sa Paglansang Niya Pag-usab

Mabasa sa Hebreo 6:4-6, “Dili na gayod makahimo pagpahinulsol pag-usab kadtong namiya kay kaniadto diha sila sa kahayag sa Dios, nakatilaw sila sa gasa sa langit og naka pakig-ambit sa Espiritu Santo. Nahibalo sila nga maayo ang Pulong sa Dios og nakatagamtam sila sa gahom sa umaabot nga katuigan. Apan namiya gihapon sila! Dili na

mahimo ang pagpabalik kanila sa paghinulsol kay gilansang nila pag-usab ang Anak sa Dios og ilang gipakauwawan atubangan sa tanan.” Kining bersikulo nagtumbok sa mga tawong bisan nakadawat sa Espiritu Santo, naka eksperyensya sa grasya sa Dios, nakahibalo nga naay Langit og Impeyerno, nakadunggog og nitoo sa matuud nga Pulong, apan hinoon natintal, ni abandonar sa Dios, nibalik sa kalibotan, og tataw nga nibuhat aron mapungan ang himaya nga maipadayag.

Si Satanas labaw pang moduol niadtong mga nibalik sa kalibotanhon bisan human sila maka eksperyensya sa grasya sa Dios taliwala sa lihok sa Espiritu Santo, labaw pang mo lukop nila ang kangitngit. Labaw pa sila unya kadaotan sa mga dili magtotoo, mangulipas sa grasya nga ilang kanhi nadawat, mo grabi ang ilang pagpamiaybiay sa simbahan og sa magtotoo, Ang tawong mopakaulaw sa atong Ginoo dili makadawat sa espiritu sa paghinulsol, og sila mosangpot sa kamatayon.

Tan-awa lang si Judas Iscariot, nga kanhi disipolo ni Hesus. Siyay unang saksi sa pagpangalagad ni Hesus apan, nagtinguha sa iyang kaugalingong interes, nisangpot sa pag budhi ni Hesus tungod lang sa 30 ka salapi. Og wala na niya mabuntog ang iyang pagmahay og kaguul, si Judas nagpakamatay nga walay higayon sa pagbasol sa iyang nabuhat.

Ika-3 kaso: Ang tuyo sa Pagpakasala human Makadawat sa Kaalam sa Matuud

Hebreo 10:26-27 nag ingon, “Kay wala nay sakripisyo alang sa mga sala kon tuyoong gayod nato ang pagpakasala human kita makahibalo sa kamatuuran. Ang nahibilin hinoon mao nalang ang kahadlok sa umaabot nga paghukom og sa mabangis nga kalayo nga molaglag sa misukol sa Dios!” Kini nagtumbok sa mga tawong nahibalo og nitoo sa matuud apan nagsige lang gihapon sa pagpakasala sa sala nga gipahimangnu kanato sa Dios.

Sa 2 Pedro 2:21-22 nagpahinumtum nato, “Maayo pa lang unta nga wala sila mahibalo sa matarong nga dalan kaysa mahibalo og unya mobiya sa balaan nga sugo nga gihatag kanila. Ang nahitabo kanila nagmatuud sa panultihon, ‘ang iro mokaon sa

iyang sinuka,’ og ‘ang baboy nga human na ligoa molunang pag-usab sa lapok.’” Ang tawong nituyo sa pagpakasala nasayod nga siya nakasala. Maghinulsol nga siya nakasala apan mobalik lang gihapon sa kinabuhing pagsige og pagpakasala.

Dihay panahon nga si Haring David natintal kadiyot og nakahimo sa grabing sala sa pagpatay. Sa dihang giingnan siya sa propeta, si Haring David naghinulsol dayon og nagbag-o sa iyang binuhatan. Sa dihang nahiangom siya sa pagsulay sa Dios tungod sa iyang sala, iya kining nabuntog uban sa pagpaubos, nga maoy hinungdan nga iyang naibot ang gamot sa kinaiyahang pagpakasala diha sa iyang dughan og nahimong hingpit atubangan sa Dios. Ang estorya ni Haring Saul, hinoon, dako kaayo og kalahian. Bisin si Propeta Samuel nipahinumtum niya sa iyang daotang binuhatan, ang hari mi rason lang og wala maghinulsol.

Tinuod kini karong panahona. Kon ang usa nga miasoy sa iyang pagtoo og nahibalo sa matuud makasala, iyang gyod ibubo ang iyang kasingkasing ngadto sa pagbasol, molakaw sa kahayag, og mamunga sa maayong bunga kay ang Espiritu Santo mismo mangamuyo alang kaniya uban sa tumang pag agulo og mopahinumtum niya sa daotang mga buhat. Apan kon tuyoong niya pagpakasal, talikdan siya sa Dios dili siya makadawat sa espiritu sa paghinulsol og mosangpot sa pagpalong sa Espiritu Santo (1 Tesalonica 5:19).

Mahal nga kaigsoonan diha ni Kristo, bisan pa og ang imong ngalan nahisulat sa Libro sa Kinabuhin sa dihang imong gidawat ang Ginoo, gawas kon ikaw maghinulsol og mogun-ob sa paril sa sala, ang imong ngalan mapapas (Gipadayag 3:5).

Dugang pa, bisan og ang atong daotang binuhatan dili ‘sala nga mosangpot sa kamatayon,’ kon dili mo kini palayason og dili ka maghinulsol ini dili ka mapuno sa Espiritu Santo, bisan pag gitintal ni Satanas og napugos sa pagbuhat sa “sala nga mosangpot sa kamatayon,” og ang kaluwasan makauulaw lamang. Mao nga, ako mag ampo sa ngalan sa Ginoo nga ikaw manlimbasog batok sa sala sa punto nga pagpatulo sa dugo og paglikay sa tanang matang sa daotan (Hebreo 12:4; 1 Tesalonica 5:22).

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhin og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Bisayan

Published by Manmin Central Church

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

“Naayo ko sa diabetes pinaagi sa gahom sa Dios!”

Elder Songyeol Ryu, 48 anyos, Parokya 11, Manmin Central Church

Naa koy ‘chronic skin disease’ og ni apekto ni sa akong likod og bagtak. Pag summer 2017, ni grabi nga dili nako makatulog tungod sa kakatol. Nawad-an ko sa ganang mokaon og moinom og daghang tubig tungod kay uhawon ko pag ayo.

Naa koy regular nga medikal check-up pag Septembre 2017, nipakita ni nga taas ang akong sugar level sa 257mg/dL. Taas kaayo kompara sa normal nga 100mg/dL. Ang doktor ni rekomendar sa uban pang test para sa sintoma sa diabetes og niingon nga painomon ko og tambal ini. Ang akong grabing pagpangatol og kauhaw tungod sa diabetes.

Nagsugod ko og ampo pag-ayo uban sa pasalis sa Dios og naghunahuna nganong niabot ni nakong sakita. Maayo man ang akong matoohong kinabuhi, apan akong nahunahuna nga naay ubang bahin nga nagtinalan ko. Usahay magduka ko sa worship service o sa prayer meetings. Usahay akong buhaton ang akong buluhaton alang sa Dios sa hunahuna nga kini akong obligasyon. Akong gisulayan pag abot ang gugma sa Dios diha sa akong kasingkasing og nag usab sa akong mga daotang naandan lakip na sa naandang estilo sa pagkaon.

Wala nako imna ang akong tambal. Hinoon,



nidawat ko sa pag ampo ni Senyor Pastor Dr. Jaerock Lee uban sa pagtoo matag worship service og sa Daniel Prayer Meeting. Human sa tulo ka simana, ang akong blood sugar niubos gyod sa 150mg/dL gikan sa 257, og niubos pa gyod sa 138. Human ko nakadawat sa pag ampo sa panyo ni Pastor Heejin Lee (Buhat 19:11-12), niubos kini sa 128. Mapasalamaton kaayo ko nga ang Dios nagapamuhat nako. Sa akong pagsulay nga mabag-o, niabot kini sa 105, duolan na gyod kaayo sa normal nga sukod.

Nagtoo ko nga ang Dios kompletong moayo nako, matinguhaong magapamuhat, og matinguhaong mo usab sa akong kaugalingon nga makabaton sa dughan nga dili mausab. Pag Mayo 2018, sa kataposan ang akong blood sugar level na normal na. Dili lang diabetes apan naayo sad ko sa akong high blood pressure og chronic dermatitis. Halleluyah!

Dugang pa, gipanalanginan sa Dios ang akong kalag nga molambo. Akong nahunahuna nga ang tanang nahitabo nako gikan sa gugma sa Dios.

Ang akong anak nga si Seungri, 12th grader. Pag 5 anyos niya, ang grabing atopic dermatitis nilukop sa iyang lawas. Mura siya og salin sa sunog. Ang iyang panit nangapanit, ako siyang kargahon sa akong likod kay dili man siya makalakaw. Apan human nga siya nakadawat sa pag ampo ni Dr. Lee, kompleto siyang naayo. Karon nindot na kaayo ang iyang panit og nagtubo diha sa Ginoo. Ang akong asawa Senyor Deconesa Hee Sung matinguhaon sad nga nagtrabaho isip leder sa Women’s Mission og miyembro sa Choir.

Akong pasalamaton og himayaon ang Dios nga niayo namo uban sa gahom og nanalangin namo aron ang among pamilya magmalipayon.


“Naayo ko sa appendicitis!”

Decono Sangchul Shim, 48 anyos, Manmin Central Church



Decono Sangchul Shim, 48 anyos, nakabati sa grabing kasakit sa ubos nga bahin sa iyang tiyan niadtong Marso 2, 2018. Ang ultrasound nagpakita sa appendicitis. Sa iyang paghinulsol nga wala siya magpakabuhi sa Pulong sa Dios, ang kasakit ni minor. Human niya madawat ang pag ampo sa panyo nga inampoan ni Dr. Jaerock Lee (Buhat 19:11-12), ang nahibiling kasakit nawala usab. Marso 3, ang iyang ultrasound nagpakita nga ang iyang appendix nga nihubag og hapit na mobuto nahimong normal sa tibuk lang gabii.

Ultrasound scan



▲ Sa wala pa ang pag ampo: ang iyang appendix 0.81cm ang gibag-on tungod sa appendicitis.
▶ Human sa pag ampo: ang iyang appendix nahimong normal.

“Naayo ko sa nukanuka sa hinungdan nga wala mahibaloi!”

Sister Seungyeon Jung, 26 anyos, Young Adult’s Mission, Manmin Central Church



Sister Seungyeon Jung, 26 anyos, naay nukanuka sa iyang panit niadtong Mayo 19, 2018. Nipula ang iyang panit og nihubag og ang iyang liog og nawong nihubag sad. Ang nuka niabot sa iyang mga tudlo, kamot og paa. Bisan pa, nisalig siya sa Dios og nipadayon sa pag ampo og nituman sa iyang mga buluhaton nga gikan sa Dios. Og nidawat siya sa pag ampo ni Dr. Jaerock Lee nga gi-record sa Automated Response System og pag ampo sa panyo. Dali kaayo siyang naulian og ang iyang nawong normal na. Pag Mayo 27, bisan ang uwat nga nahabilin wala na.

Sa wala pa ang pag ampo



“Naayo ko sa gastritis og duodenal ulcer!”

Deconesa Yunhee Lee, 50 anyos, Canaan Mission, Manmin Central Church



Deconesa Yunhee Lee, 50 anyos, gihiling nga may ‘erosive gastritis’ og ‘duodenal ulcer’ niadtong Disyembre 15, 2017. Giingnan siya sa taga hospital nga paimnon og tambal apan wala siya moinom og nidawat sa pang ampo ni Dr. Jaerock Lee aron maayo pinaagi sa pagtoo niadtong Disyembre 17, 2017. Paghuman ang sintoma nawala, og nakasiguro siyang naayo. Pag Pebrero 14, 2018, ang doktor niingon nga ang iyang tiyan og duodenum na limpyo basi sa resulta sa gastroscop.

Litrato sa Gastroscop




▲ Sa wala pa ang pag ampo: lawum og grabing duodenal ulcer tumong sa ala-una nga direksyon.
▶ Human sa pag ampo: duodenal ulcer nalimpyo sa walay pag inom og tambal.



Tel: 82-2-824-7107
www.gcnetv.org
webmaster@gcnetv.org



Tel: 82-2-818-7334
www.manminseminary.org
manminseminary2004@gmail.com



Tel: 82-2-818-7039
www.wcdn.org
wcdnkorea@gmail.com



Tel: 82-70-8240-2075
www.urimbooks.com
urimbook@hotmail.com



“Ang gahom sa panyo kahibulongan!”

Decono Moti Chand, 39 anyos, Delhi Manmin Church, India



Nanglantaw ko. Nga madala ang panyo nga gigamit ni Dr. Jaerock Lee sa pag ampo alang sa akong lugar gigikanan, Gorakhpur sa Uttar Pradesh, og sa pagpakatag sa balaang ebenghelyo og sa gahom sa Dios. Sa pag abli sa Delhi Manmin Church niadtong Oktobre 2012, si Pastor John Kim nihatag nako ining nindot nga panglantaw nga kinsa maoy pinakaunang nagpa miyembro sa simbahan.

Nasayangan kaayo ko nga daghang mga tawo didto sa lugar nga akong gigikanan wala maka dunggog sa ebeanghelyo tungod kay kini farming are nga may 1000 ka kilometro ang gilay-on gikan sa Delhi. Akong giandam ang akong kaugalingon sa mga hinagibang Pulong pinaagi sa mga mensahe ni Senyor Pastor Dr. Jaerock Lee.

Gani naa koy dakong kahadlok sa kinabuhi tungod kay sayo nangawala ang akong mga ginikanan og wala koy klaro nga edukasyon. Apan pasalamat ko kay ang akong personalidad nausab samtang nag wali ko sa ebanghelyo aron pagbayad sa grasya sa kaayohan nga iyang giayo ang akong grabing kasakit sa likod pinaagi sa pag ampo. Dili nako

mahadlok sa tawo og makagiya na gani sa uban.

Mayo 2018, nibisita ko sa among lugar para sa kasal sa akong kaliwat.



▲ Si Seema naayo sa left hemiplegia human sa pag ampo sa panyo.

Kini bulawanong oportunidad alang sa akong damgo kay ang kasal mohangtod sa pipila kaadlaw og daghang mga tawo moduol. Nibisita ko sa “wedding guest houses” og sa akong mga kaliwat og nihatod sa mensahe mahitungod sa Dios Magbubuhay, sa rasong nganong si Hesu Kristo ra ang atong Manluluwas, og unsaon nga makadawat sa kapasayloan sa atong mga sala. Ako sad gihisgotan ang pagkatinuud sa Bibliya og niingon nga bisan karon ang mga kahibulongan nga panghitabo

nga nahisulat sa Bibliya mahimong mahitabo. Og akong gipakita ang video presentation sa mga gamhanang lihok sa Dios og ako silang giampoan uban



▲ Si Ankush nakalakaw human sa pag ampo.

sa panyo sa ngalan ni Hesu Kristo. Human sa pag ampo, makapakurat ang nahitabo!

Ang babaye sa ngalan nga Seema, 35 anyos, litrato #1, dili makalakaw og walay nabuhat sulod sa maging duha katuig tungod sa iyang left hemiplegia. Apan human nako og ampo niya uban sa panyo, dungan sa recorded prayer ni Senyor Pastor, iyang giisa ang iyang wala nga kamot nga dili niya malihok. Dugang pa, human pagdawat niya sa ika duhang higayon sa pag ampo sa

panyo, nakasugod siya og lakaw!

Og naay tawo nga niduol nako. Niingon siya nga iyang nadunggog ang mga milagro nahitabo pinaagi sa akong pag ampo og nihangyo nga moampo alang sa iyang anak Ankush, 3 anyos, litrato #2. Sugod pagkatawo dili siya motabi og dili makalakaw. Walay medical treatment alang niya. Apan human sa akong pag ampo niya uban sa panyo sa ngalan ni Hesu Kristo, nihinayhinay siya og lihok og nisugod og tingog ang iyang baba. Human sa lima kaadlaw nilakaw nga mamaybay sa bongbong o mangunit sa bisan unsang butang og pagkadugayan makalakaw na sa iyang kaugalingon. Dugang pa, daghang tawo nakalingkawas sa mga sakit dili lang sakit sa kasingkasing og mata, apan bisan sa ilang tibuok lawas.

Human nga ilang nakita ang kahibulongang mga lihok, naghinulsol sila og nidawat sa Ginoo. Bisan wala pay simbahan, managpundok sila matag simana og maghalad sa Manmin worship service pinaagi sa GCN sa Hindi nga sinultian. Akong hatagan sa tanang pasalamat og himaya ang Dios nga mitugot nakong makapamatuud ni Hesu Kristo pinaagi sa grasya sa Dios og sa gahom sa magbalantay.

“Giayo sa Dios ang akong epekto sa ‘post cerebral infarction’!”

Decono Geumsung Lee, 61 anyos, Chinese Parish 1



Enero 2, 2018 sa 3:30p.m, bug-at ang akong ulo og kasukaon. Ang akong pisikal nga kondisyon dili maayo. Nisayo ko og uli sa balay. Samtang nagsaka sa hagdanan paingon sa akong balay sa 2nd-floor,

malipong ko og kapoy kaayo. Natumba ko og nakuyapan.

Unya pagkadugayan, nakabati ko og kabugnaw sa akong hawak og nisaka pagbalik sa hagdanan. Nakahunahuna ko nga mga 20 minutos na ang milabay. Mura nalang ko og nagkamang paingon sa akong balay. Sakto sad ang akong cell leader nanawag nako. Samtang niingon ko nga magpa ampo, nawad-an nasad ko sa panimuot. Naglisod ko pag ginhawa. Dili ko makatabi bisan gamay.

Pagka gabii, ang akong parish pastor, iyang bisi og uban pa nibisita nako og naghalad og mga pag-ampo paghinulsol isip puli nako. Ang akong parish pastor niampo nako gamit ang panyo nga inampoan ni Senyor Pastor Dr. Jaerock Lee (Buhat 19:11-12). Buot kong moingon og “amen” apan dili nako maabli ang akong baba og nakakita ko og pig-like image nga naggunit sa akong baba aron masira.

Salamat kay pag ampo sa akong parish pastor sa ngalan ni Hesu Kristo, akong nabati nga naay nigunit sa akong kamot og nakasulti ko og “amen.” Ang akong lawas nalihok og na komportable nako. Nakabati nako. Paglingi nako sa mga tawo nga diha nag alirong nako, mapasalamaton kaayo ko og nakahilak.

Human sa tulo kaadlaw, niadto ko sa hospital og nagpa MRI. Ang doktor niingon nga wala nakoy problema. Dugang pa, niingon siya nga ang agi sa akong cerebral infarction og hemorrhage nawala og kini unang higayon nga iyang nakita. Sa niaging duha na katuig nagka cerebral infarction ko og nagdugo. Bisan pa og nag inom ko og tambal kada adlaw, bug-at ang akong ulo og murag dukdukon ang likod sa akong ulo og martilyo. Apan human sa pag ampo, presko kaayo ang akong ulo. Gaan akong pamati nga mura ko og naglupad.

Pasalamat ko sa akong Ginoong Hesu Kristo nga niluwas nako, og akong ipaabot ang akong kinasingkasing pasalamat ngadto ni Senyor Pastor nga perming nag ampo sa mga miyembro sa simbahan aron dili masakit.

MRI scan (human sa pag ampo)

● Ang parti nga apektado sa ‘infarction’ naabli og ang dugo gisyup. Wala nay ilhanan pa.



Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuerras Smpaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714